



Ассаламу г'ялайкум, дубурлантл!

# ШИЛА Г'ЯМРУ

## СЕЛЬСКАЯ ЖИЗНЬ



Дахадаевла районна жамиг'ятла - политикала газета

№ 19 (8561) 2023-ибил дус.

Майла 12.

Жумяг'.

Баг'я 12 к'юруш 32 кепек

## Чебях'иси Чедибдешла Барх'иличил!

### Шадлих'яла аги-х'ияйзиб дураберк'иб

Россиялизир дурадурк'ути байрумтазирадли Германияличибадли Советский Союзли чедибдеш сархнелис хасбарибси Чедибдешла Барх'и бег'лара х'урматласилизи халбируси саби. Итди кахти дург'бани нушала миллионти адамтала г'ямру ардухитири ва нушани даимлис х'умар-тес асух'ебирар советский бург'антала игит-

Ил Чедибдеш сархибх'ейчирадли 78 дус дикнилис хасбарибси шадлих'яла балбуц дураберк'иб г'ялабван Дахадаевла районнизира.

Районна бек'и Мях'яммад Г'ябдулк'адиров администрацияла аппаратла х'янчизартачил, Россияла Дахадаевла районнизибси ОМВД-ла руководствочил, лерилра ведомствобала ва учре-

наниван ишх'елла манзиллизиб чуни игитдеш ва г'ябзадеш чедиах'ути бург'антас урк'и-урк'иларадли баркалла дик'ех'е. Иш даршуси манзиллизиб чучиб сег'уналра г'яйиб агарти адамти г'язабурк'ути, кабуршутти фашистуназибадли Донбасслизибти ва Украинала царх'илти шаг'уртазибти халк' балтах'ули саби нуша-



дешличила, тыллизиб бузули калунти зях'иматчибачила. Илдани чула жан ах'ерах'едарили, Чедибдеш сархибсири.

ждениебала руководител'тачил варх Уркух'яла шилизиб Чедибдешла Барх'ила х'урматлис дураберк'ибси митинглизир бут'ак'яндеш дариб.

Балбуц ибх'ули г'яйх'унси Мях'яммад Г'ябдулк'адировли баг'ях'ур к'янт'иси ва бух'инабуц мурх'си «Чедибдеш» ибси девли советский солдатунала игитдеш ва г'ябзадеш, тыллизиб бузутала к'бянти х'янчурби ибси мяг'ина ирг'ях'уси саби или.

«9 ибил май нушала улкализиб дурх'яси чебях'иси барх'и саби. Нушани х'умуртули ах'енра сег'уна к'ыматличил чедибдеш сархибсил, пах'рули дицилра нушала дудешунала ва хала дудешунала г'ябзадешла г'унартачи, чунира фашистуназибадли нушала улка берцах'урти, Ват'ан баг'андан чула жан к'урбандарибгачила мурталра г'янбирках'ех'е. 78 дус г'ялаб чула хала дудешу-

ла бург'антани. Нушани г'яр барх'и игитти солдатунала ва офицертала сагати уми ирг'улла, чунира саниг'ятлати ах'ти устадеш чедиах'ути ва г'унарти сархути. Чилилра бяч'ес вирус и ах'ен Россияла халк'яла рух'иласи чебях'идеш! Нушани цах'инарти цакаьаначил сег'унти-дигара г'ялабизуни их'ех'е ва чедибдеш сархех'е! Чедибдеш сархибти халк'елис деза! Байрамличил! Чебях'иси Чедибдешла Барх'иличил!», - буриб районна бек'ли.

Игитти бург'антас ва лебилра россиялантас мубаракла ва баркаллала дуг'ьби зайдух'ях'ун дерг'яла ва бузерила ветерантала Советла Председатель Мухтар Г'ябдуллабековлира. Илини буриб Чедибдешла Барх'и мурталра лебганилра пах'рубируси байрамли кавлан или. Ил барх'или ирг'ях'ули саби нушала дурх'яси Ват'анна х'ярх'ерагардеш датах'урти солдатунала игитдешличила, россиялантас рух'иласи чебях'идешличила ва Россия ах'си к'ыматла биънила лишан биъни вик'улри ил.





## Шадлихъла аги-хІяйзиб дураберкІиб

*(1-ибил бяхІлизибсила хъарахъуд)*

Гур гъайбухъун СВО-лизир бутІакъяндеш дирути бургъантала нешани. Илдани районна руководстволис баркалла багъахъур чула хъалибаргуни Гердурцини багъандан, мурталра бекІла чедиб даршуси зак биубли дигулра ва чедибдешличил нушала бургъанти чарбулхъни-личи дирхулра бикІи.

Лебилра игитти бургъантала хІурматбирули, цалабикибти минутла манзиллис лехІахъиб ва гІур дявила асилдешла памятникла гъала вавнала халуи кадихъиб.

Чедибдешла байрамлис хасбарисби митинг Арсен ХІясановли «Офицерти» ибси далай зайбухъахъи ва ил лебилра цалабикибтани гІеббуцили, ахирличи бикиб.

Байрамла балбуц даимбирули, муниципалитетла культурала ва спортла хІянчизартани хІядурдарибти культурала Парклизир концерт чебаахъиб ва спортла абзани дурадериб.

Районна цархІилти шимазирра байрамла далдуцуну ахъси даражаличир детерхур. Митингназир бутІакъяндеш дарибти администрацияла хІянчизартани муниципалитетла руководителла шайзибдла Чеди-

бдешла БархІиличил лебилра дахадаевланти мубаракбариб.

Уркухъла шилизибси культурала -бамсрихънила центрлизиб «Дила хІеб – дила Чедибдеш» ибси 9 ибил майла байрамлис хасбарисби концерт чебаахъиб.

Концертла программализир дявила дусмала далуйти зайдухъахъун Хасбулат РяхІмановли, МяхІяммад ГІяллаевли, Самира ГІямаровани, ПатГимат Мажидовани, МяхІяммад Ибрагъимовли, ХІямид Рабазановли, ПатГимат



Ибрагъимовани, ХІясан Иминовли ва цархІилти далайчибани.

Цалабикибти разибаахъур Р.ХІямзатовла гъай хІясибли Фатима Багъаутдиновала бекІдешлиуб балкъаахъурси Морское шилизибдаси «Горянка» ансамбли чебаахъисби «Къургъи» бикІуси хореографияла постановкали.

Концерт ахирличи биркухІели «Чедибдешла БархІи» ибси балбуцличиб бекІлибиубсигъуна далай зайбухъахъун.

Концертлици цалабикибтас тяништири гІяртисгунани дучІути далуйти ва чунира хІулбазир нургъачил илди дигІай-дигІай Гердурцулри.

**Марият Чапарова.**



Дахадаевла районна центрлизиб ЧебяхІси Чедибдеш 78 дус биъниличил бархбасахъи дураберкІисби байрамла дазурбазиб «Горец» ОМОН-1-нна хІянчизар Хасбулат ХІясайниевлис «Дагъистанна Халкъла Игит» ибси у бедиб.

Хасбулат ХІясайниев Дахадаевла районна Хъярбукла шилизivadси сай. Ил Украинала хасси балбуцлизир бутІакъяндеш дирухІели вяхъибсири.

Ургъанна гъай хІясибли, ишбархІи Украинализир кадиркути лерилра баркъуддуми гъарли-марли дявила анцІубкъуни сари.

Нушаб даршутти гІямру диахъес багъандан ишхІелла манзиллизиб бахъал дахадаевланти илар бутІакъяндеш дирули сари.

Бургъанти ва илдала хъалибаргуни Гердурцини халаси баркалла балахъули сай



## Халкъла Игитла у бедиб

Х.ХІясайниевли районна бекІ МяхІяммад бадли нушала ВатІан балтахъехІе викІулри ГІядулкъадировлис. Нушанира душмантази-дубурлан урши.

Дигеси саби нушала бургъанти чула хъалибаргуначи чарбухъи, жагъилтачил къарши-биркни ва чеалкъуси наслулис чула игитти баркъуддумачил мисал чебиахъни.

«Дагъистанна Халкъла Игит» ибси шабагъат – ил ца иткъи бедибси медаль ахІен, сабира мургъи-арцла тукейзиб муртдигара асес вируси. Дагъистанна Халкъла Игитла уличи адам лайкъикни – ил гъунар сархни марбириси бетуц саби, республика вавалибяхъяхъес багъандан халаси пай кабихънилис къимат бедни саби, игитдешла ва гъабзадешла мисал саби», - баянбариб муниципалитетла руководителли.

**Р. Къурбанова,**  
Информационный центр.



## Чебяхіси Чедибдешла Бархилис абзани детерхур

Чебяхіси Чедибдешла Бархилис хасдарили майла 9-личир Дахадаевла районна Уркухъла шилизир гъар дуслизир дурадуркІни гІядатли детаурти спортла-бахъли бутІакъяндеш дирнила далдуцуни детерхур.

«ХІ. ХІямидовла» уличилси ДЮСШ МБУ ДО-ли ОФК-личил дарх районна шимала школабала уршби ва рурсби ургар дуцІбулхънила, цархІилти спортла шайчирти абзани дурадуркІиб.

Илдигъунти абзани дурадуркІнила мурад саби бучІантас дявилапатриот бяркъ лугни ва районна адамти-ургар узидешла бархбасуни

чІумадирахъни.

Абзанала программализи кадурхулри: 1000 метрличи рурсби дуцІбулхъни, 1500 метрличи уршби дуцІбулхъни, гиря иргъни, гъар-ахъдешличи гІяхІулхъни, турникличир уюнти дирни, гиря ахъбурцни, канат битІикІни.

Уршби-ургаб дуцІбулхънила абзаназив Зубанчила урга даражала школала ученик Ислам Шамхалов чедикиб, кІибиб мерличи дуравхъун Уркухъла дахъал журабар гимназияла учІан Къурбан МяхІяммадов, хІябьибил мер буциб Меусишала урга даражала школала ученик Айдибек Рабадановли.



ДуцІбухъунти рурсби-ургар цаибил мерличи лайикърикиб КІишала школала ручІан Хамис Камилова, кІибибил мер буциб Бускри-ла школализирадси Марьям ГІябдуллабековани, хІябьибил мер бикиб Уркухъла гимназияла уче-

ница Карина ГІябдуллаевас.

Гъарахъдешличи гІяхІбулхъути-ургаб цаибил мер сархиб Шаласи шилизivadси Къурбан Ражабовли, кІибиб – ЗилебКІивадси Шамил БяхІмудовли, хІябьибил – Уркарахъивадси Мухтар МяхІяммадовли.

Гиря иргънилизив бегІлара гІяхІти баянти ЗилебКІивадси Муртай МяхІяммадовлари, кІибиб мерра ЗилебКІивадси Руслан МяхІяммадовли буциб, хІябьибил мерличи лайикъикиб Къялкнивадси МяхІяммад Сулайбанов.

Турникличир уюнти дирнилизив цаибил ветаур Кудугувадси Мурад МяхІяммадов, кІибиб мер бикиб

Зубанчивадси Ислам Шамхаловлис, хІябьибил – Зубанчивадси Салман ХІяжимурадовлис.

Гиря ахъбурцнилизив чедикиб ЗилебКІивадси ГІяли МяхІяммадов, кІибиб мерличи лайикъикиб ДЮСШ-ла тренер Шамил ХІямзатов, хІябьибил мерличи – ЗилебКІивадси Руслан МяхІяммадов.

Канат битІикІнилизив ЗилебКІила шилизибадси команда цІакъсилу уббухъун.

Чедикибти ва призерти культурала парклизив шабагъатлабариб. Абзани дурадуркІибтани лебтасалра грамотаби, медалти ва арцла шабагъатуни дедиб.

**Р. Сурхаева.**

2023 ибил дусла хІеблизив жагъилтани ГІярмиялизив хъуллукъбархъес жибирнила кампаниялис хасбарибси призывникла БахІила байрам дураберкІиб ишди бурхІназиб Дахадаевла ва Хайда-

### ества



къла районтала дявила комиссаритли Хайдакъла районнизив.

Шадлихъла балбуцлизир бутІакъяндеш дариб Дахадаевла районна бекІ МяхІяммад ГІябдулкади-ровли, Хайдакъла районна бекІ ГІялим Темирбулатовли, Дахадаевлара Хайдакълара районтазивси дявила комиссар, подполковник ГІумар СягІидовли, челябкълализив ВатІан балтахъанти бетаэс хІядурбикІутани ва ил-дала бегІгани.

Чула хІурматлис балбуц дураберкІибти уршбала ГІямрулизив жавабласи манзил бакІили саби. Илди Россияла Федерацияла Ярагъладарибти ЦІакъанала къяназиб къуллукъбарес аркъути саби.

Балбуц ибхъули, гъайухъун Хайдакъла районна бекІ ГІялим Темирбулатов. Илини бурни хІясибли, ГІярмиялизив къуллукъбарни – адамлизир лерилра черкІла къиликъуни

руркъяхъуси школа саби. Илди сари патриотизм, низам бузахъни, къяяндикибХІели бархъси гъуни белгибарес имканти дургни.

«Гъарил уршили ГІярмиялизив къуллукъбарес хІяжатси саби. Илар жагъилтала хасиятуни ва арадеш дебшладирити сари. Илди гъарлимарти патриотуни, ВатІан балтахъанти руркъути саби. ГІярмиялизивадли уршби аратили ва гъар шайчибадди дебш дедибти чарбухъи дигулра», - вики ГІ. Темирбулатов.

Балбуцла башрилизиб цалабикбгас гъанарулри Чебяхіси ВатІанна дергълизир игитдеш чедаяхъибти нушала хала дудешуни.

Призывникунас къугъати гъай дуриб Дахадаевла районна бекІ МяхІяммад ГІябдулкади-ровли. Илинра цІакъбарили буриб гъарил

жагъиллис ГІярмиялизив къуллукъбарес хІяжатли биъниличила. ГІярмиялизив илди чула хасиятуначи чекабилзес бурсибарар, ВатІанни марти патриотуни бегарар, арадеш имцІабирар. Чула бегІгачи илабадди ара-сагъли ва хІулкІули чарбухъаб или буриб илинира.

Дахъал дусмазиб Дагъистайзибадти призывникуни арадешлизив ва дявилати баркъуддумачи хІядурдешлизив гІяхІтигъунтала лугІилизив бирути саби.

Дагъистанлантани къуллукъбирути дявила подразделениебала бахъалгъунти командиртани бургъантала бегІгачи ва дявила комиссариатуначи баркаллала кагъурти дурхъули дирар ва лебтасалра баркалла балахъули бирар илдигъунти багъадурти абикъни-лис ва руркънилис. Ил секІай дахъал гІяхІти шалубачила бурули саби. ИшХІелла манзиллизивра Украинала хасси балбуцлизир бутІакъяндеш дирити ва ВатІан

балтахъути гІяхІгъубзни мисалли бетарули саби призывникунас.

«Ургъанна санигІят – ванзаличирти лерилра машгъурти хІянчурбазибадди бегІлара гъабзадешла саби. ХІед ахІерти гъарил секІал мяхІкамдирни, далтахъни бегІлара багаласи, ахъси даражала ва шаласи баркъуди саби. Илбагъандан ахъси хІурматличи лайикълира саби бургъанти- ВатІан балтахъанти, улкалис марти солдатуни», — буриб М. ГІябдулкади-ровли.

Цалабикбгала гъалав призывникунала шайзивадли гъайулхъули, МяхІяммад БяхІямаевли буриб ГІярмиялизив гІяхІси къуллукъ бирехІе, нушала хала дудешунала игитти баркъуддуми гІерисехІе или. Чучи илгъуна пикри бяхІчиънилис лебтасалра баркаллара багъахъур илини.

Балбуц музыкала номертачил жагабарилри. Ахирличир призывникунас хъумХІертести савгъатунира дедиб.

**Р. Къурбанова.**





## Ватанис марси игитла хурматбирули

**«Гяхгъабза херубси  
Гъану шура дус сайри,  
Дусмачибра гьеркъаси  
Саб хлули липла манзил  
Гъунар дурабуркуси.  
Сецад къиянни сабил  
Веблес дунъя батурли,  
Даимлис хумхертубли  
Нушачил варх калесли».**

- Илди гъай делки сари Игит Шамил Мяхяммадовла суратла мяклар.

Дахадаевла районна Уркухъла шилизисси Культурала Парклизиб гъалабван Россияла Игит Шамил Мяхяммадовла хурматлис мемориалла уркули ибхънила балбуц бетерхур.

Культурала Парклис Россияла Игит Шамил Мяхяммадовла у лугниличил бархбасахъи, районна ру-



ководстволи гяхгъабзачила хумхертахъес багъандан хлукму къабулбариссири.

Россияла Игит даимлис хумхертахънилис хасбарисси митинглизир бутлакъяндеш дариб районна руководитель Мяхяммад Гябдулкади-ровли, Игитла дудеш Набибуллагъ Мяхяммадовли, узи Сягид Мяхяммадовли, Хайдакъла районна бекI Гялим Темирбулатовли,



Халкъла собраниела депутат, сай гяхгъулали Украинализир кадиркути дявила анцбукуназир бутлакъяндеш дарес арякъунси Расим Хя-

жиагъаевли, хурматла гяхлани, Мяхяммадовхъала гъамтани ва шантани.

Балбуц бехибхъиб Хасбулат Ряхмановли белчунси «Булбулти» ибси далайличил. Гур минутла манзиллис, Игитла хурматлибирули, цалабикибти лехикахъиб.

Муниципалитетла руководителли митинг ибхъули, багъахур камси гъалабван нушала улкали фашистуначибадди чедибдеш сархибхейчирадди 78 дус биънила балбуц дураберкиб. Илхели ветерантала хурматбирнила баркъудлума детерхуртири или.

«Нушаб беклиил гъанбиркуси ахенри советский бургъантани душмантачибадди чедибдеш сархибхейчирадди 78 дус дикили гьергъира, вегла улкала хъарбакъ таманбирули, улкала черикла багъадуртира бетихъахули, итхеливан кьерхеле къявгала изайчи кършили дургъес къадарбирар или. Нушани пахрубирулра гъизиз жан ахлехадарили,

чула дявила юлдашуну уцахули, дахадаевлан Шамил Мяхяммадовгъунти игитти баркъудлума дурадуркути бургъантани. Илдигъунтачичила назмурти цаладирхъу, жузи лукла, ва илди районна, республикала, улкала тарихлизи цала гъакъгъунти солдатуниван ка- бурхар.

Шамил Мяхяммадовла беклаагарси игитси баркъудила хурматбирули, Уркухъла шилизисси центральный Культурала Парклис Чехякъси Ватанна дургъабала хабарла бутлакъянчи Жамав Ражабовла рурсила уршила уршила у бедес пикрибарилра ва иличибли даршдусмазиб илала игитси баркъуди хумхертуби адамтани. Дагъистан Республика БекI Сергей Гялимович Меликовли халаси пикри бяхичиули саби Украинала хасси балбуцла бутлакъянчибачи, илдала хъалибаргуначи. Илди гъаршайчибадди гъеббурцули саби. Дявила генерал сайлин, илини чичибалра гяхил гъарил хъалибаргла изу-зугъяла далули сай.

Нушала Игит даимлис хумхертуби



техле ва илала бегтас гяшли ик-рамбирулра!» - буриб Мяхяммад Гябдулкадиоровли.

Районна бекли илкъяйдали баянбариб Шамил Мяхяммадовлис Парклизиб памятник ташбалтничичила ва «Игитунала Аллея» балкъарахъниличила.

Балбуц бузахъантани Игитла биографиялизиралди митингла бутлакъянчибас баянти гъаладихъиб.

Шамил Мяхяммадов 1997 ибил дусла октябрыла 21-личив Тарумовкала районна Тарумовка биклуси шилизив аклубси сай. Сай аклубси шилизиб урга даражала багъуди касили гьергъи, виштлахейчивадли хуликлуси ургъанна санигъят чеббикиб. Илди Москвализисси командное общевоисковое дявила училищера гяхлти кыматуначил таманбариб.

2022 ибил дусла февралла 24-личирадди сунела подразделение-личил варх Украинализир кадирку-



ти дявила анцбукуназир бутлакъяндеш дирулри дубурлан уршили.

2022 ибил дусла сентябрьличиб старший лейтенант Шамил Мяхяммадовли бекдеш дируси мотострелковый взвод Украинала Харьков шагъарлизиб душмантани алавбуцисири. Душманти гъамбиклули чебаибхели, Шамил Мяхяммадовли гранатометличил илдачи ца чекъур. Сунела юлдашуну мяхкамбирули ва илдас гъала ташилзули, лейтенант алхун ва илди берцахъур. Илкъяйдали бургъанти урехиагарси мерличичи гечбиэс имканбакибсири», - бурулри балбуц бузахъантани.

Сунела выступлениелизиб Шамилла дудеш Набибуллагъ Мяхяммадовли буриб; «Дила уршили Чехякъси Ватанна дергъла бутлакъянчи дила хала дудеш Жамав Ражабовла, Ватанна, Дагъистанна ва сунела районна умутуни мардариб».

Игитла дудешла рузикъар Патимат Жамаловани бурулри сунела узикъарла урши алхничичила бегI гъалаб багъурти бурхлини

гъандикахъес дебали къиянни биъниличила.

«Чис гъанбиркусири нуша Гуррара фашизмала балагъкъадарличичи дехлигничичила. Хала дудешли дергъла дусмачила дахъал хабурти дурули вири. Ил дургъби дехдихъили тамандийчи ургъули калунсири. 90 дусла гъамру илини хлялалли деркибтири. Амма Шамил хлябра жявли нушазивад декларикиб. Сунела дудешли бурули къяйда, илини нушала ахлери Ватан цаххлебариб, илала пхрули ветаур.

Балбуц бузахъантани буриб укабибгала къукъяличи Шамил вяхягиб или. Илис гъачамцун ахенри илкъяйда бетаурси, илис гъалавра ил вяхъиссири. Дявила майдайчир игитдеш чедаахъисси ургъан «Гъабзадеш багъандан» ибси медальличил шабагъатлавариссири. Илала къяш сагъхебиубли биалра, сунела взводлизи чарухъунсири. Сентябрьла 7-личиб какибсири

илала гъамру къябаибси анцбуку. Сунела гъамру ахлехадарили, илини взвод берцахъурсири. Даимти деза диаб нушала Шамиллис! Ил нушани даимлис хумхерттехле», - хлулбазир нургъабчил гъайриклулри Патимат Жамалова.

Гур цалабикибгала гъалав Расим Хяжиагъаев гъайухъун. Илди бурни хлясибли, Шамил Мяхяммадов, офицер, Россияла Гъармияла солдат, ургъан сайлин цархилл тяхларли виэсра хейри. Ил хурматла ургъан гяхгъабзала беклали алхун. Чехякъси Ватанна дургъабзиб фашистуну кърбарилли Чехякъси Чедибдеш сархибти нушала хала дудешуниван илра лебталалра уркъбазив даимлис мицирли кавлан виклулри ил.

«Россияла цархилл гъуни аги ва гъаннара агара, цархилл тяхларли селра барес вируси ахенри, фашизм нушала хала дудешуниван бячес хляжати саби. Нушазир чедибиркантала хли дургъули сари, ил секлал нушани иргъахъехле Европализибтас ва океанна ит шайчибтас. Нуша дархъли дини илдас



*(4-ибил бяхІлизибсила хьаракъуд)*

марбирехІе. Чедибдеш нушала бирар!», -- буриб Расим ХІяжи-



гъаевли.

Илгъуна балбуцлизир бутІакъ-яндеш дарес гъамадси ахІен. Дебали кыянни ва декІли саби чула лерилра кьугъати гІямру талихІчерли деркІес лайикъти бегІлара черикІла жагъилти агарбирниличила гъайикІес. Илгъуна пикри бурулри гІярмиялизиб кьуллукъбирутала



хъалибаргунни гІердурцинила Фондла Председатель Алена ГІядулласвани.

«Халаси пашмандеш балахъулра Игитла бегІтас. Илгъуна хабарла урши айкънилис илдас уркіи-уркілабадси баркалла биаб. Ца иткъи хабарагарли дурабуркІуси ахІен гъабзадешла баркьуди. МяхІяммадовхъала хъалибарглизиб илгъуна баркьудила кымат балуси саби. Илкъяйда хІебиалри, илдала лебилра уршбани Украинализир кадиркути дявила анцІбукъуназир бутІакъяндеш хІедири. Ил хъалибарглизибтани гъабзадешла,

гъунартала ва Ватанна гъалабси чебла ихънила кымат гІяхІил балуси саби. ЦацабехІтани илгъуна секІал хІебалули биалра.

МяхІяммадовхъала хъалибарглизибтигъунти багъадур уршби лебалли, нушала улкализиб паргъатдешра бирар. Нуша паргъатли дузес ва гъаладяхІ дашес дирехІе. Украинализибти гъарил ургъанничи пахрули дицІилра нуша ва илдала гъалаб икрамбирулра. Нушаб илди лебилра игитунни саби. Илдани чеалкІуси наслулис лайикъси мисалра чебилахъули саби. Украинала хасси балбуцлизиб алхунтачила нушала гъанбикунни кьаркьубачирра, мармар кьаркьаличирра, жармаличирра чІумати сари.

Тыллизирти нушани гъарил секІал диубси кыяйда бекІдирехІе СВО-лизибтала хъалибаргунни гІеббуцес багъандан». -- хІулбазир нургъачил гъайрухъун Алена ГІядулласвара.

Дебали кыяннири алхунси цархІил багъадурла дудеш гъайикІухІелира.

«Халаси баркалла балахъулра нушала улкала, республикала ва районна руководстволис нушаб мурталра кумек гІеббиахънилис. Илдани нушачил мурталра бархбас бузахъули саби. Гъанна левси ца урши агарвиубси нушала хъалибарглис дебали мягІничебси саби хІукуматла шайзибадли пикри бяхІчиини.

Лебилра игитунала гъунарти цагъунти сари. Украинализир кадиркути дявила анцІбукъуназир нунира левси ца урши ветахъахъира. Нушаб дигули ахІенри ил кьуллукъба-



рахъес вархъес, амма ил нушачи лехІхІейзур. Харьковла областьли-зив 2022 ибил дусла апрелла 19-личив дила урши Артур СалихІов сунела юлдашунни берцахъили, сай алхун.

Даимти деза Игитунас! ЧеалкІуси наслули багъес хІяжатси саби игитуначила. Нушани пахрубирес хІяжатси саби илдаци», -- буриб сунела выступлениелизиб Украинала хасси балбуцлизир бутІакъяндеш дирухІели алхунси Артур СалихІовла дудеш МяхІяммадхІябиб СалихІовли.

Мемориала уркьули абхъес ихтиярбариб районна бекІлис, Игитла дудешлис ва Халкъла собраниела депутатлис.

ГІур митингла бутІакъянчибани мемориалла уркьулила гъала

адамтала уркібазиб даимлис бегІлара хІурматла мер бурцуси саби, илдала баркьудлума даршдусмазир



чеалкІуси наслулис мисалли кавлутисари. Илдигъунти гІяхІгъубзни иш дунъяличиб лебалли, усал



вавнала халуи кадихъиб. Балбуцличир СягІидуллагъ ГІядуллабековли «Шамил МяхІяммадовлис» ва «Нешлис» ибти назмурти делчІун. ГІямарла Батрайла уличилси Даргала театрла гІяртистунни Арсен ХІясановли ва Эльмира Ибрагъимовани «Чардарая гъанбикунни», «Къургъи» ва «Россия» ибти далуйтира зайдухъахъун.

Лерилра замунтазиб халкъли тикрарбириси саби «Игитунни бубкІути ахІен!» или. Илди гъай шямван дархътира сари. Игитси баркьуди дурабуркІути багъадурти бахълис гІяхІдеш, чеалкІуси наслулис даршдеш, ванзаличиб паргъатдеш дихъес багъандан чула жан кьурбандарибти саби. Илдигъунтани

гъубзнази уряхІти баркьудлума дурадеркІахъес хІедалта, даршуси закла удиб дурхІни хІязтабиркъес бирар...

**М ГІяхІмадова.  
М. Чапарова.**



## Нешла дард

Янила кахси аргъван,  
БяргІили уркіира леб.  
Шахли дигубти кьарван,  
Тем агар гІямрура лер.

Савли, хІери ва бархІехъ,  
КъацІлис ца барсбарибси.  
Тупла хІярхІяни сай вяхъ,  
Дургъби пикридарибси.

Дургъбазивси уршила,  
ГІянцІли гІама иргъули.  
ГІязиз жанличи нешла,  
Диги сар камдикІули.

Балгначил гІеввурцули,  
Ара-сагъли царх бихІян.  
Нешла някъбазиб саби,  
Гъар бархІи дурхъал субхІян.

ДугІ ярагъ кыяйкбухъалра,  
Чейгули саби нешлис.  
Душма бекІа аргъалра,  
Дяхъи саби пьакъирлис.

ВяргІибвара дугели,  
Берклизив гушливара?  
ХІела нешлисцун ахІи,  
Агу царайс авара.

ХІулби кыяпдарибхъалли,  
АхІенра ну русули.  
Челябкъла хІебалули,  
Сарра нешла, рисули.

Ва урши, гІязиз урши,  
ХІерлира дила ахІер.  
Улкъайлар хІеррикули,  
Шявбиуб хІулбала хІер.

Гъагулта буциб закван,



Сарра муртІал рамкъурси.  
Ну рургус гІяйибла регІ,  
ХІу ургъахъес айкъурси.

Чарухъен Аллагъли ват,  
Чедибдешла гъуникад.  
ХІу набчи чарийни саб,  
Дила уркіла мурад.

## СягІидуллагъ ГІядуллабеков

### Игит Шамильлис

Някъла ярагъ касили,  
Янила кахси манзил.  
Арякъунри дургъбази,  
Узи нушала Шамиль.

Урехи хІебагъурли,  
ГъалавахІ ганзиклади.  
ХІиллакарти душманти,  
Чум-чумра кьирбаради.

Дявила авлахъличив,  
Гъунарти гъаргдиради.  
ХІярхІубала заблиув,  
Дуги-хІери дуркІади.

Юлдашунни берцахъес,  
ГІязиз жан харждарибси.  
Гъужумла майдунтачир,  
Игитла у сархисби.

АкІалли дунъяличиб,  
АкІаб хІуван сакІубти.  
Буцар цІала дайлизиб,  
Хъялис марли бургъанти.

Игитунала лугІи,  
ВатІайс имцІабарибил.  
ГІяйибри хІу арукъес,  
Набигуллагъла Шамиль.



## Игит уршбала хІурматбирули

Майла гехІличиб, ЧебяхІси Че-  
дидбеш 78 дус бирнила шадлихъ  
дураберкІес гъалаб, Украинализир

дахадаевланни Украинализир ка-  
диркути дявила анцІбукуназир  
бутІакъяндеш дирниличила. Ил-

мад Русланович (Уркарахъ), Зака-  
рияев ГІябдуллагъ ГІяхІмадович  
(Ирагъи), Маликов Далгат М-

муниципалитетла бекІли.

«Цалра бурибси гъайли бегІтала  
анцІкъи-децІ камхІедирахъу.



СВО-лизир бутІакъяндеш ди-  
рухІели, чула жан кърбандарибти  
игит уршбала хІурматлис дал-  
къаахърти мемориалла уркъли  
ибхънила далдуцуни детерхур.

Илгъуна мягІничеси балбуц ду-  
раберкІиб районна бекІ МяхІяммад  
ГІябдулкадировла, илала заместит-  
ельти МяхІяммад Къадиевла ва  
МяхІяммад Сулайбановла, Дахада-  
евла районнизиси МВД-ла кура-  
тор Архилав Архилаевла, Россияла  
Дахадаевла районнизиси ОМВД-  
ла начальник ИбрагІим Рабаданов-  
ла, багъудила управлениела началь-  
ник ГІябдуллагъ ГІялиевла, Ур-  
кухъла шила бекІ ГІябдулГІязиз  
Юсуповла, бургъантала гъамтала,  
шантала бутІакъяндешличил.

Мемориалла уркъли абхъес ибси  
бегІ гъалаб пикри гъалабихъибсири  
ДР-ла бекІ Сергей Меликовли. Иш  
гъакІлис муниципалитетлизирти  
Меусиша, Бускри, Дибгалик, Къяр-  
бачИмахъи, Кудагу, Зильбачи, Ку-  
бачи, Цизгъари ва Уркарахъ шима-  
зир бургъантала хІурматлис уркъли  
ибхънила далдуцуни дурадеркІиб.

Райцентрлизиб балбуц ибхъули,  
МяхІяммад ГІябдулкадировли  
багъахър ишбархІилис нушала ул-  
кала хърбаркъ таманбирули 500

дазибадли дявила майдайчиб алхун  
28 гІяхІгъабзара.

«ХІейгеси биалра, цалра дявила  
анцІбукъ хІебирар адамтани жан  
кърбанхІедируси. Мармар  
къркъала уркълазир делкІи сари 28  
дахадаевланна ура.

Ге, илди игитуну чула хълибар-  
гуначи чарбулхъути ахІен. Амма  
илдала игитти баркъудлума Россия-  
ла, Дагъистанна, Дахадаевла район-  
на тарихлизи даимлис минадарил  
сари. Нушала манзилла игитуну  
саби: ГІязизов Казбек Рабазанович  
(Меусиша), Къасумов Шамил Кър-  
банович (Меусиша), Рашидов  
МяхІяммад ХІябибуллаевич  
(Бускри), Кърбанов СягІдуллагъ  
Къасумович (Дибгалик), Маммиев  
Мамми ГІябдулХІямидович  
(Уркарах), БяхІяммадов Расим  
БяхІяммадович (Цизгъари), Айс-  
ацев ГІябдуллагъ МяхІяммадович  
(Уркарах), МяхІяммадов  
МяхІяммад-ХІябиб МяхІяммад-  
сягІдович (Уркарах), МяхІямма-  
дов Шамил Набибуллагович  
(Уркарах), Расулов МяхІяммад-  
расул ХІусейнович (Морское),  
Шамхалов Расул Шамхалович  
(Кудагу), БяхІмудов Кърбан  
(Къярба-чИмахъи), ШягІ-пиев Марат  
МяхІяммадХІяби-  
бович (Цураи), ГІяммаев Расул  
ХІусейнович  
(Иракъи), Расулов  
Ражаб ИсмягІило-  
вич (Цизгъари),  
ГІялиев Ислам  
Адамович (Буск-  
ри), Рабаданов  
ТІагъир ХІямзато-  
вич (ДугІахър),  
Мажидов Мухам-

хІяммадович (Зильбачи), МяхІям-  
мадов Ислам Ризванович  
(Дибгаша), Кърбанов ГІяли Аба-  
карович (Дибгаша), Босулаев Ана-  
толий Дмитриевич (Кубачи),  
ГІябдуллаев МяхІяммад ГІяма-

ХІушани багъирая, хІушачил барх  
Дахадаевла районна ва Дагъистан-  
на халкъра децІлизи бикили саби.  
ХІушала гъалаб икрамбирулра ил-  
дигъунти гъарли-марти игитуну  
абикънилис. Илдала гъунартала



расхІябович (КъярбачИмахъи),  
Ражабов Рабазан ХІясайниевич  
(Хуршни), Салихов Артур  
МяхІяммадХІябибович (Зубанчи),  
Кърбанов Арсен МяхІяммадрасу-  
лович (Кудагу), ХІясанов  
МяхІяммад ХІясанович (Чишили).

Сегъунтилла гъайличил баянбарес  
хІейрар илди агарбиънила  
анцІбукъ. Амма нуни илди игитуну-  
чи пахрубирулра ва илдигъунти  
гъарли-марти халал хІярпличил чу-  
ла у белкІес лайикъти багъадурти  
абикърти бегІгас баркалла  
викІулра.

Илди ГІяхІгъубзнани нушала че-  
лякъла багъандан чула ГІязиз жан  
кърбандариб. Нуша – лебтасалра  
къадин жан дедиб!», — багъахър

баркъудлума гъабзадешлашал че-  
бяхІти дагъистанлантала мисалли  
детарули сари. ЧебяхІси ВатІанна  
дергъла замана нушала хала ду-  
дешунаниван ишхІелла манзилли-  
зиб илданира фашистуназибадли  
улка балтахъули саби», — буриб  
сунела выступлениелизиб Архилав  
Архилаевли.

Мемориалла уркъулила гъалаб  
къараулти тІашлири. Игитунала  
хІурматбирули, цалабикибти ми-  
нутла манзиллис лехІкахъиб.

Балбуц ахирличи биркухІели,  
лебилра цалабикибтани мемориал-  
ла ур-къулила гъала вавнала халуби  
кадихъиб.

**Р. Кърбанова.**

*Информационный центр.*





## Мемориалла комплекс гьаргбариб

Дергъла майдайчиб алхунти гъагъубзни адамтани даимлис хъумуртути ахъен. Илдала хъурмат-



лис мурталра деклар-декларти далдуцунира дурадурктути сари. Хъера, гъалабван Дахадаевла районна Зильбачила шила урга дара-

Балбуц ибхъули, гъайухъун Зилбачила урга даражала школала директор Маммаци Хъясанов. Иллини буриб чула шан уршиличи бучантани пахру биру ва иличи мешутили бетаэс къасбиру или. Мяхъяммад Гъядулкъадировли сунела яргализиб багъахъур Украинала хасси балбуцлизир 500-личибра имцали адамли буткъаяндеш дирниличила ва ишбархилис илаб игитсун бургъули 28 дахадаевланни чула гъязиз жан къурбандарниличила. «Хъейгеси биалра, нушала районна 28 багъадур Украинализиб алхи саби. Нушала челякъла багъандан гъагъубзала бекъали бекъибти илди игитуначила нуша-



Росгвардияла регионна Управлениела руководство-ла шайзивадли полицияла полковник Навруз Хъусейновли Далгат Маликовла бегъази пашмандеш багъахъур:

«Хъушачил дархли нушара децъилизи дикилра ва хъушала селилра чебицлахъес хъейруси бетахърили нушала уркъира пашмандиахъубли сари. Амма хъумартес асухъебарар илини сунечи хъарбарисби таманбирули, игитла бекъали алхниличила. Далгат Маликовла у Росгвардияла Дагъистан Республикализисби Управлениела личный составла сияхъилизи даимлис мерлабарили саби. Иличила гъанбикуни нушала уркъазир даимлис кавлан».

Полицияла подполковник Гъахъимад Гъахъимадовли сунела юлдашличила гъанбиркахъули, буриб: «Ил гъахъиси ва шаласи адам гъаннала гъергъи нушачил варх агни дебалли децъигули саби. Ил нушачил

варх узуси адамцунра ахъенри, Далгат нушала узи сайри».

Школала гъала гъашбатурси мемориалла комплекс абхъес ихтиярбариб районна бекъи Мяхъяммад Гъядулкъадировли, Дагъистан Республикализисби Росгвардияла Управлениела начальникла заместитель, полицияла полковник Навруз Хъусейновли, СОБР-ла «Ястреб – Каспий» регионна ведомстволла управлениела командирла заманалис къуллукъуни дузахъан полицияла подполковник Гъахъимад Гъахъимадовли ва Далгат Маликовла дудеш Мяхъяммад Далгатовли.

Ватъан багъандан жан къурбандарибти росгвардеецла ва цархъилти бургъантала хъурматбирули, цала-



бикибти минутла манзиллис лехъикахъиб. Гъайбухъунти лебтанилра игит уршила бегъатас, туху-



мти-гъамтас баркаллала дугъби дурулри.

Балбуцла дазурбазир школала бучантани ва педагогунани гъагъубзас багъишладарили назмурти дучлукъели, цалабикибтала хъулбазир нургъби дакълудурулри.

Росгвардеецла цагласлантани ва юлдашунани жъвли гъямрулизивад арякъунси чула юлдашла гъабзадешличила, мардешличила, хамдешхаладеш агниличила гъанбикуни дурулри.

Балбуцла ахирличиб игитла бекъали алхунси росгвардеецла бегъитани, гъямрула гъалмагъли баркалла багъахъур балбуц дураберкъибтас ва илала буткъаянчибас илкъайдали чула уршила ва мурулла хъурматбарни багъандан. Илдани лебилра цалабикибтас арати ва талихъчерти гъямру диубли дигниличилара багъахъур.

*Информационный центр.*



жала школала дазурбазиб ил школализив учули калунси Росгвардияла СОБР-ла «Ястреб – Каспий» регионна управлениела хъанчизар, полицияла прапорщик, Украинала дявила хасси балбуцлизир буткъаяндеш дирухъели алхунси Гъабзадешла орденничи лайкъикибси Далгат Маликов гъаниркахънилис хасбарисби балбуц дураберкъиб.

Балбуцлизир буткъаяндеш дариб районна бекъи Мяхъяммад Гъядулкъадировли, илала заместительти Гъалисултъан Мяхъяммадовли ва Мяхъяммад Сулайбановли, дергъла ва бузерила ветерантала советла председатель Мухтар Гъядуллабековли, Дагъистан Республикализисби Росгвардияла Управлениела начальникла заместитель, полицияла полковник Навруз Хъусейновли, СОБР-ла «Ястреб – Каспий» регионна ведомстволла управлениела командирла заманалис къуллукъуни дузахъан полицияла подполковник Гъахъимад Гъахъимадовли, отрядла бургъантани, Далгат Маликовла гъамтани, шантани, цагласлантани ва юлдашунани.





Чебяхіси Чедибдеш 78 дус бирни-  
ла байрамлис гьаларти бурхІназиб Дахадаевла районна бекІ МяхІяммад ГІябдулкьадиров, ДР-ла финансунала министрла заманалис къуллукъуни дузахъуси Шамиль Дабишев, ДР-ла Халкъла Собраниела депутат МуртазаГІяли Рабаданов, Дахадаевла районнизибси МВД-ла куратор Архилав Архилаев, Пачалихъла Думала депутат Ольга Портнягина ва цархІилти гІяхІли районнизибси цайли цаси Кудагула шилизивдси ветеран Ражаб Рабадановлици гІяхІладди бякъун ва ил Чедибдешла байрамличил мубараквариб.

101 дусла ГІямрула ветераннира гІяхІли халаси разидешличил



къабулбариб. Илди дурхъати гІяхІлала хІурматбирули, Кудагула шила бекІ МяхІяммадХІяжи ИсмагІиловли ва школала коллективли, бучІантала ва ветеранна гьамтала бутІакъяндешличил шадлихъла балбуц дураберкІиб.

Балбуцла дазурбазив баркаллала дугъбачил ветеранничи МяхІяммад ГІябдулкьадиров дугъайзур.

«ХІушаб халаси баркалла. Дявила ва даршуси замана хІушани дурадуркІути игитти баркъуддумасра баркалла хІейкес хІейрар. УркІи-уркІилавадди хІу мубаракирулри ЧебяхІси Чедибдешла байрамличил. ХІела гІямрулизир гьарбизуни ва чархла арадеш диубли дигулла.

Чисалра гьанбиркуси ахІенри итди дергъла кахти анцІубукъунас ахир кабихъибси Чедибдеш 78 дус биубли гІергъира, нушала унзали-

зи дявила балагъли къутІдирхъниличила. Нушала ва нушала хъалибаргунала гІямрулизир даршудешра эркиндешра диахъес ба-гъандан игитсун бургъули саби нушала улкала марти уршби», — викіи М. ГІябдулкьадиров.

«Ражаб Рабаданович, нушани пахрубирулла хІечил дарх иш манзиллизир хІердирниличил. ЧебяхІси Чедибдешла байрамличил хІу уркІи-уркІилавадди мубаракирулри. ХІела гьабзадешла мисалличибли, ибкъси бузериличибли ва хІялалли гІямру деркІниличибли хІуни нушала наслула вакилти уркІичеббихахъул-ри», — буриб республикала финансунала министрла къуллукъуни заманалис дузахъуси Шамиль Дабишевли.



## Ветеран мубараквариб

ЧебяхІси ВатІанна дергълизибадли бахъал дахадаевланти чарбухъунти ахІенри. Чарбухъунти имцІатигъунти чулахъуни бетаурлири. Замана арбашуцад нушала ветерантира камкабикескабииб.

Гьанна нушала районнизиб левалси ца ветеран сай. Ишдуслизиб Кудагула шилизивдси ветеран Ражаб Рабаданов 101 дус виуб ва ЧебяхІси Чедибдеш 78 дус биънила байрамлис разидешличил гьунивули сай. ГІяхІил бала илини ил чедибдеш секъйида сархисил. Иличила чалкІуси наслулизи мурталра хабурти дуру.

Гъайгъай, лебилра дахадаевланти 9 ибил майла байрамличил Ражаб Рабаданов уркІи-уркІилавадди мубараквариб. Дигеси саби ил депутатунала районна Собраниела Председатель Рабазан ГІямаровли ишди



бурхІназив мубаракварнира.

Парламентла спикерличил барх ветеран мубаракварес бякъун Дахадаевла районна хъунул адамтала Союзла Председатель Разият Хизриевани бекІдеш дирнила удиб Союзла ва динна агълула вакилти.

Р. ГІямаровли ветеранна дявила гьундурачила баянти дуриб ва илала гьабзадешла баркъуддумас баркалла багъахъур.

Депутатунала корпусла ва сунела шайзирадли Ражаб Рабадановлис дахъал дусми, къаркъагъуна арадеш ва эркиндеш диубли дигниличила багъахъур гІяхІлани.

«ВатІанна гьаларти хІушала асилти баркъуддумачила нушани сеналра хъумхІертхІе. ХІушала игитдешла гьунарти жагъилтас гІибратли детарар», — буриб парламентла спикерли. Ветераннис гІяхІлани арцІиличлси конверт ва савгъатунира дедиб.

Р. Сурхаева.

УЧРЕДИТЕЛЬ:

«Дахадаевла район» МО – ла администрация.

<http://selskayajizn.ru/>

сетевое издание

«Кала Корейш медиа»

e-mail: [inf.otdel7@mail.ru](mailto:inf.otdel7@mail.ru)

Тел: 55-40-71

1931-ибил дусличибад дурабулхъуси саби

Газета 2009 ибил дусла декабрьла 28-личиб массовая коммуникациябала, бархбасла ва культураласи букъур мяхІкамбирнила шайчиб хІеруди бузахъуси Федеральная служба ДР-лизибси Управлениелизиб белкІунси саби. ПИ № ТУ 5-0047

Газета дурабулхъуси саби жумягІ бархІи.

Дусли 52-на дурабулхъан.

Индекс – 63314

Печатьлизи къулбасбарес кабизахъурси замана – 16.00.

Печатьлизи къулбасбарибси замана – 16.00.

Редакциялизи дархъибти белкІанас рецензия лукІуси ахІен, я илди чула бегІтачи чардирути ахІен.

Газетализи кадирхъути материалтала автортала пикрумачил редакцияла пикри цугхІебикесра асубирар

ДР-ла миллатласи политикала, информацияла ва дуралати бархбасунала шайчибси министерствола газетабала-журналтала типографиялизиб кабяхъибси саби.

Адрес: 367018 МяхІячкъалала шагъар, Насрудиновла уличился къакъа, 61

Авторгани чула материалтала хІекъдешлис ва бархъдешлис жаваб лугуси саби.

Редакцияла ва издательла адрес: Дахадаевла район, Уркухъла ши, ГІ. ГІялиевла уличился къакъа, 9 «а»

ТИРАЖ – 800 экз

БекІ редактор  
Чапарова М. М.  
Редактор  
Курбанова П. О.